


Veh Bouxguhnaz Sanhgyangh Youq Baekging Langhbaij

“中国梦·侗乡情——广西柳州三江农民画晋京展”开展

8 nyied 3 hauh, “siengjmuengh Cungguk • cingz Mbanjdung—Guengjsae Liujcouh Sanhgyangh veh bouxguhnaz haeuj Ging langhbaij” youz Guengjsae Vwnzlenz caeuq Liujcouh Si Yinzminz Cwngfuj cawjbanh haenx, youq Baekging Minzcuz Vwnzvagungh langhbaij. Baez neix baijok 150 fuk “Vehdung”, bouxveh cungj dwg bouxguhnaz Sanhgyangh Dungcuw Swciyen, baijyienj le gij maqmuengh caeuq gyaepgouz Dungcuw nem Guengjsae 12 aen minzcuz cojyouq minzcuz fungsug, saedcej guhhong caeuq doiq saedcej gyaundeidei, doiq “siengjmuengh Cungguk” haenx. Sanhgyangh dwg aen Dungcuw swciyen diegyouq Huznanz, Guengjsae, Gveicouh sam sengj(gih) dieggapgyaiq he, lizsij gyaenanz, minzcuz fungcingz naekgywg. Bi 2012, Sanhgyangh Dungcuw veh bouxguhnaz ndaej liedhaeuj Guengjsae Bouxcuengh Swcigih feihvuzciz vwnzva yizcanj baujhoh mingzloeg.

(Vuz Genlu)



▲ Bouxgonzyawj ingi aeu Vehdung.



▲ Youq gwnz gaihmusi geij dah sau Dungcuw biujyienj golaux Dungcuw.

Yungzsuij: Daihhag Swfhfanswngh Daengz Mbanjmyauz Bang Sonsaw

融水：大学师范生到苗寨支教

Mboengqneix, gyoengq daihhagseng Hoznanz Anhyangz Swhfan Yozyen “ciuhungz yuzmyauz” duenz bang sonsaw Guengjsae youq Yungzsuij Myauzcuz Swciyen Bwzyinz Yangh Gveihcwng Siujyoz haiguh bang sonsaw hozdung, son siujhagseng Mbanj myauz vehveh, ciengqgo, sonyinx un saw, itheij guh’angq, hawj siujhagseng Mbanjmyauz gyalai roxyiuj cihsiz, angqyangz gvaq gyajseizhwnq. Seiz hoengq, gyoengq daihhagseng lij bang bouxguhnaz dangdieg guh hong sou haeux, ndaem gyaj daengj dem.

(Liu Swjyenh/廖子渊)



◀ Daihhag-seng son siujhagseng danz gimz.

Nanzdanh Beixnuengx Bwz-guyauz Angqhoh Cietsiujnienz

南丹白裤瑶胞喜过小年节



▲ Langhbaij cien dauq ndang-daej Bwzguyauz.

8 nyied 6 hauh, Nanzdanh Yen Lijhuz, Bazhih song aen Yauzcuz Yangh beixnuengx Bwzguyauz angqhoh cietsiujnienz moix bi gvaq baez haenx. Baenz cien baenz fanh beixnuengx Bwzguyauz daenj buhvaq ngoenzciet moqsag gyaueget doengzcaeaz daeuj daengz dieg banh dozdung—Lijhuz Yauzcuz Yangh Mbanjmoq Bwzguyauz Mbanjvangsang, itheij angqhoh cietsiujnienz. Cietsiujnienz hozdung neiyungz miz langhbaij cien dauq ndangdaenj Bwzguyauz, gaeqdoxdoj, dwkgyangq, baijyienj minzcuz fungcingz vwnzva daengj. Cietsiujnienz dwg ngoenzciet angqhoh hozdung cei miz daegsaek minzcuz Bwzguyauz he, binaengz seizcin dajndaem doeklaeng, seizcou fungsou gaxgonq senj ngoenz ndeu guh cietsiujnienz, banh cietsiujnienz muzdiz dwg gyo’mbaij cojgoeng, gouz fungsou, baujyouh bingzan.

(Fuz Lungzgyangz/符龙强)

Bi 2016 “Riengz Fwen Haprwenz • Byaij Haeuj Byacwx” Hawfwen Hozdung Banh Baenz

2016“随歌飞扬·走进大明山”歌圩活动顺利举行

8 nyied 1 hauh, “riengz fwen haprwenz • byaij haeuj Byacwx” hawfwen hozdung youz Guengjsae Byacwx Guekgva Gaep Swhyenz Baujhoh Gih Gvanlijgiz lienzhab Guengjsae Sanghwzyinz Vangiloz Gohgi Gujfwon Youjhan Gunghsw h ciepbanh haenx banh baenz, neix dwg ciengz daihsam Byacwx ndwen hawfwen hozdung, daj bineix 6 nyied 1 hauh hainduj, ndwennaengz ngoenz daeuz dwg ngoenz banh Byacwx hawfwen hozdung.

Ngoenzhaenx banhaet, gyoengq bouxhek bouxyawj doxcomz din Byacwx, douhung ginggih baihgvaiz vih hawfwen hozdung cienmonz laeb miz aen daizfwen,

gyoengq canghfwen daj Dava, Duh’anh, Vujmingz, Majsanh seiq yienh daeuj haenx youq gizhaenx guh doxdax, lij miz doihdiuqfoux, doihciengqgo gak dieg hwnj daiz biujyienj dem.

Baez hawfwen neix iucingj bouxyienj canghfwen daengz bak boux doxhwnj, ciengjbinj huqlaex dij ngaenz mauhgvaq fanh maenz, cwgoemq 8 aen si, yienh, gveihmoz hung, ndaej vunzlai haenh, gyahwnj yungh ndwen hawfwen hingzik okyienh, doiq swnjcienz caeuq fatyiengz vwnzva fwen Mbanjcuengh miz yiij youqgaenj.

(Luz Yinghyinz)



▲ Canghfwen doxdax eu fwen.